



**NOGOMETNI/FUDBALSKI SAVEZ
BOSNE I HERCEGOVINE**

P R A V I L N I K

**o organizovanju i djelovanju skauta
reprezentativnih selekcija NS/FS BiH**

Sarajevo, april/travanj 2015.

Na osnovu člana 35. Statuta Nogometnog/Fudbalskog saveza Bosne i Hercegovine, Izvršni odbor NS/FS BiH, a prema prijedlogu Tehničkog sektora NS/FS BiH, na sjednici održanoj 15. 04. 2015. godine donio je

PRAVILNIK

o organizovanju i djelovanju skauta reprezentativnih selekcija NS/FS BiH

Član 1.

Ovim Pravilnikom bliže se uređuju pitanja organizovanja i djelovanja skauta reprezentativnih selekcija NS/FS BiH (u daljem tekstu: skauta NS/FS BiH).

Član 2.

Skauti NS/FS BiH su obavezni da se koriste ovim Pravilnikom, a shodno odlukama Izvršnog odbora NS/FS BiH.

Član 3.

Izvršni odbor NS/FS BiH, na prijedlog Tehničkog sektora, imenuje skaute reprezentativnih selekcija, na vremenski period do 2 (dvije godine), uz mogućnost ponovnog imenovanja.

Član 4.

Za rad i angažovanje skautima NS/FS BiH pripada mjesečna naknada u iznosu utvrđenim relevantnom odlukom Izvršnog odbora NS/FS BiH, kao i dnevnice, putni troškovi i drugi troškovi definisani važećim propisima NS/FS BiH.

Član 5.

Broj skauta NS/FS BiH utvrđuje se odlukom Izvršnog odbora NS/FS BiH, shodno definisanim kriterijima i realnim potrebama, a u skladu sa prijedlogom Tehničkog sektora NS/FS BiH.

Član 6.

Nadležnosti skauta NS/FS BiH su posmatranje i praćenje klubova i igrača u BiH i inostranstvu, te izvještavanje o istim, a shodno nalogu koji izdaje Tehnički direktor, na osnovu prethodnih konsultacija sa selektorima reprezentativnih selekcija i uz saglasnost Generalnog sekretara.

Takođe, shodno nalogu Tehničkog direktora, skauti NS/FS BiH mogu izvršavati i druge poslove i zadatke koje su u funkciji reprezentativnih selekcija i NS/FS BiH.

Član 7.

Skauti NS/FS BiH obavezni su blagovremeno najaviti Tehničkom direktoru da prihvataju nalog i blagovremeno oputovati na mjesto odigravanja utakmice ili drugog događaja.

Član 8.

Nakon izvršenog skautiranja, skauti NS/FS BiH su obavezni u roku 48 sati po završenom događaju, dostaviti pisani izvještaj i druge relevantne materijale (video zapise, fotografije i sl.) Tehničkom direktoru NS/FS BiH, koji je zadužen da iste raspoređuje nadležnim selektorima.

Prema potrebi, u slučaju hitnosti i drugim okolnostima koji to nalažu, skauti NS/FS BiH mogu ostvariti i neposredni kontakt sa selektorima selekcija za čije potrebe vrše skautiranje.

Član 9.

Prema nalogu Tehničkog direktora NS/FS BiH, a u skladu sa realnim mogućnostima, skauti trebaju prisustvovati sastancima i seminarima koje organizuje NS/FS BiH.

Član 10.

Tehnički direktor NS/FS BiH je nadležan i zadužen da, putem odgovarajućih službi NS/FS BiH, osigura skautima NS/FS BiH neophodno uslove za djelovanje u skladu sa ovim Pravilnikom.

Tehnički direktor NS/FS BiH je obavezan periodično, a u pravilu kvartalno, Izvršnom odboru NS/FS BiH podnositi izvještaj o radu skauta NS/FS BiH.

Član 11.

Ovaj Pravilnik stupa na snagu danom usvajanja na sjednici Izvršnog odbora NS/FS BiH.

Član 12.

Izmjene i dopune ovog Pravilnika vrše se na način i po postupku predviđenim za njegovo donošenje.

Član 13.

Sadržaj ovog Pravilnika objavljuje se u Službenom glasniku NS/FS BiH i na interner stranici NS/FS BiH.

PREDSJEDNIK

Elvedin Begić sr.